

古今圖書集成

中華書局影印

第二十四冊

方輿彙編

邊裔典

子合部 車離部 兜勒部 德若部 高附
堅昆部 呼得部 盤越部 大秦部
吐谷渾部 於廕部 竭父部 陀歷
僞夷部 烏長部 宿阿多部 健陀
衛部 竺利尸羅部 弗樓沙部
那揭部 羅夷部 跋那部
毗奈部
摩頭羅部 僧伽施部 沙祇大部
拘薩羅部 那毗伽部 迦維
羅衛部 藍莫部 拘夷那竭部
毗舍離部
摩竭提部
迦尸部 瞻波大部 多摩梨帝部
師子部 迦毗黎部 訶羅陀
部 阿羅單部 闍婆婆達部

壹

壹

壹

(卷)

蘇摩黎部 婆皇部 婆達部
婆黎部 滑國部 周古柯部
呵跋檀部 胡蜜丹部
渴盤陀部 悅般部 迷密部 嚧
噠部 吐呼羅部 疊伏羅部
薄知部 波路部 副貨部 拔
豆部 牟知部 弗敵沙部 色
知顯部 加色尼部 呼似密部
早加至部 伽不單部 乙弗
勿敵部 阿蘭部 阿弗太汗部
諾色波羅部 折薛莫孫部
阿鈎羌部 除彌部 鉢和部
者至拔部 伏盧尼部 澤散部
驢分部 波知部
西女部 曹國部 穆國部 烏那
曷部 米國部 何國部 史國
東女部 吐蕃部 越底延部
吐蕃部

充


宅

充

(卷)

古今圖書集成

中華書局影印



欽定古今圖書集成方輿彙編邊裔典

第六十卷目錄

子合部彙考 朱俱波 朱俱榮

後漢 總一則

晉 安帝一則

北魏 宣武帝景明一則 永平一則

唐 高祖武德一則

子合部紀事

車離部彙考 禮惟特 沛諱

後漢 總一則

三國 總一則

德若部彙考

後漢 總一則

高附部彙考 閻浮謁

後漢 總一則

三國 總一則

北魏 總一則

蒙古部彙考

後漢 和帝永元一則

兜勒部彙考

後漢 和帝永元一則

大秦部彙考 李健 李軒 李軒 達觀 樓恭

後漢 桓帝延熹一則

三國 總一則

晉 武帝太康一則

北魏 總一則

唐 太宗貞觀一則 天寶一則 肅宗景雲一則 元宗開

宋 神宗元豐一則 哲宗元祐一則

明 太祖洪武一則

圖一則

大秦部紀事

大秦部雜錄

邊裔典第六十卷

子合部彙考 朱俱波 朱俱榮

後漢

子合國後漢時通於中國

按後漢書本紀不載 按西域傳前書中誤云西夜

子合是一國今各自有王子合國居呼難谷去疏勒

千里領戶三百五十口四千勝兵千人

晉

安帝 年釋法顯求戒律至于子合

按晉書不載 按晉釋法顯佛國記自于闐進向子

合國在道二十五日便到其國國王精進有千餘僧

多大乘學住此十五日已于是南行四日入葱嶺山

到于麾國

北魏

宣武帝景明三年十二月朱居槃國遣使朝貢

按魏書宣武帝本紀云云 按西域傳朱居槃國在

于闐西其人山居有麥多林果咸事佛語與于闐相

類役屬嗾噠

永平四年九月朱居槃國遣使朝獻

按魏書宣武帝本紀云云

唐

高祖武德 年朱俱波國遣使朝貢

按唐書高祖本紀不載 按西域傳朱俱波亦名朱

俱槃漢子合國也并有西夜蒲鞞依耐德若四種地

直于闐西千里葱嶺北三百里西距渴盤陀北九百

里屬疏勒南三千里女國也勝兵二千人尚淳屠法

文字同婆羅門

按杜氏通典朱俱波後魏時通焉亦名朱居槃國漢

子合國也今并有漢西夜蒲鞞依耐德若四國之地

在于闐國西千餘里其西至渴槃國南至女國三千

里北至疏勒九百里東至葱嶺二百里其王本疏勒

國人宣帝永平中朱居槃國遣使朝貢其人言語與

于闐相似其間小異人貌多同華夏亦類疏勒大唐

武德以後亦頻遣使朝貢

子合部紀事

洛陽伽藍記朱駒波國人民山居五果甚豐食則麥

熟不立屠殺食肉者以自死肉風俗言音與于闐相

似文字與婆羅門同其國疆界可五日行遍

車離部彙考

禮性特 神錄

車離國後漢時臣服大月氏
按後漢書西域傳車離國居沙奇城在天竺東南三千餘里大國也其土氣物類與天竺同列城數十皆稱王大月氏伐之遂臣服焉男女皆長八尺而怯弱乘象駱馳往來鄰國有寇乘象以戰

二國

車離國三國時猶臣服于大月氏

按魏志注西戎傳車離國一名禮惟特一名沛隸王在天竺東南三千餘里其地卑濕暑熱其王治沙奇城有別城數十人民怯弱月氏天竺擊服之其地東西南北數千里人民男女皆長一丈八尺乘象駱馳以戰今月氏役稅之

德若部彙考

後漢

德若國後漢時通于中國

按後漢書西域傳德若國領戶百餘口六百七十勝兵三百五十人東去長史居三千五百三十里去洛陽萬二千一百五十里與子合相接其俗皆同自皮山西南經烏秣涉懸度歷罽賓六十餘日行至烏弋山離國地方數千里時改名排持復西南馬行百餘日至條支

高附部彙考

國浮調

高附國後漢時始通于中國

按後漢書西域傳高附國在大月氏西南亦大國也其俗似天竺而弱易服善賈販內富于財所屬無常天竺罽賓安息三國強則得之弱則失之而未嘗屬月氏漢書以為五翎侯數非其實也後屬安息及月氏破安息始得高附

三國

高附國三國時屬於大月氏

按魏志注西戎傳云云

北魏

高附國北魏時改名閭浮謁

按魏書西域傳閭浮謁國故高附倉侯都高附城在弗敵沙南去代一萬三千七百六十里居山谷間

蒙奇部彙考

後漢

和帝永元十二年冬十一月西域蒙奇兜勒二國遣使內附賜其王金印紫綬

按後漢書和帝本紀云云

兜勒部彙考

後漢

和帝永元十二年冬十一月西域蒙奇兜勒二國遣使內附賜其王金印紫綬

按後漢書和帝本紀云云

大秦部彙考

零覽 華軒 華軒 遠覽 拂菻

後漢

桓帝延熹九年秋九月大秦國王始遣使奉獻

按後漢書桓帝本紀云云 按西域傳大秦國一名犂鞬以在海西亦云海西國地方數千里有四百餘城小國役屬者數十以石為城郭列置郵亭皆望壁之有松柏諸木百草人俗力田作多種樹蠶桑皆髡頭而衣文繡乘輜輶白蓋小車出入擊鼓建旌旗旛幟所居城邑周圍百餘里城中有五宮相去各十里宮室皆以水精為柱食器亦然其王日游一宮聽事五日而後徧常使一人持囊隨王車人有言事者即以書投囊中王至宮發省理其枉直各有官曹文書置三十六將皆會議國事其王無有常人皆簡立賢者國中災異及風雨不時輒廢而更立受放者甘斥不怨其人民皆長大平正有類中國故謂之大秦土多金銀奇寶有夜光璧明月珠駭難犀珊瑚琥珀琉璃琅玕朱丹青碧刺金縷繡織成金縷雜色綬作黃金塗火浣布又有細布或言水羊裘野蠶繭所作

也合會諸香煎其汁以爲蘇合凡外國諸珍異皆出焉以金銀爲錢銀錢十當金錢一與安息天竺交市于海中利有十倍其人質直市無二價穀食常賤國用富饒鄰國使到其界首者乘驛詣王都至則給以金錢其王常欲通使于漢而安息欲以漢綸綵與之交市故遮闕不得自達至桓帝延熹九年大秦王安敦遣使自日南徼外獻象牙犀角瑇瑁始乃一通焉其所表貢並無珍異疑傳者過焉或云其國西有弱水流沙近西王母所居處幾與日所入也漢書云從條支西行二百餘日近日所入則與今書異矣前世漢使皆自烏弋以還莫有至條支者又云從安息陸道繞海北行出海西至大秦庶連屬十里一亭三十里一置終無盜賊寇警而道多猛虎師子遮害行旅不百餘人齊兵器輒爲所食又言有飛橋數百里可度海北諸國所生奇異玉石諸物諸怪多不經故不記云

三國

澤散驢分且蘭賢督汜復于羅等國三國時俱屬大秦

按三國魏志注西戎傳曰大秦國一號犂軒在安息條支西大海之西從安息界安谷城乘船直截海西遇風利則二月到風遲或一歲無風或三歲其國在海西故俗謂之海西有河出其國西又有大海海西有連散城從國下直北至烏丹城西南又渡一河乘船一日乃過西南又渡一河一日乃過凡有大都三却從安谷城陸道直北行之海北復直西行之海西復直南行經之烏連散城渡一河乘船一日乃過周

迴繞海凡當渡大海六日乃到其國國有小城邑合四百餘東西南北數千里其王治濱側河海以石爲城郭其土地有松柏槐梓竹葦楊柳梧桐百草民俗田種五谷畜乘有馬驢驘駱駝桑蠶俗多奇幻口中出火自縛自解跳十二九巧妙其國無常主國中有一別也常欲通使于中國而安息圖其利不能得過其俗能胡書其制度公私宮室爲重屋旌旗擊鼓白蓋小車郵驛亭置如中國從安息繞海北到其國人相屬十里一亭三十里一置終無盜賊但有猛虎獅子爲害行道不羣則不得過其國置小王數十其王所治城周回百餘里有官曹文書王有五宮一宮間相去十里其王平日之一宮聽事至日暮一宿明日復至一宮五日一周置三十六將每議事一將不至則不議也王出行常使從人持一韋囊自隨有白言者受其辭投囊中還官乃省爲決理以水晶作宮柱及器物作弓矢其別枝封小國曰澤散王曰驢分王曰且蘭王曰賢督王曰汜復王曰于羅王其餘小王國甚多不能一一詳之也國出細綿作金銀錢錢一當銀錢十有織成細布言用水羊羖名曰海西布此國六畜皆出水或云非獨用羊毛也亦用木皮或野蘭絲作織成氍毹氍毹屬帳之屬皆好其色又鮮于海東諸國所作也又常利得中國絲解以爲胡綾故數與安息諸國交市于海中海水苦不可食故往來者希到其國中山出九色次玉石一日青二日赤三日黃四日白五日黑六日綠七日紫八日紅九

日紺今伊吾山中有九色石即其類陽嘉三年時疎勒王臣槃獻海西青石金帶各一又今西域舊圖云罽賓條支諸國出奇石即次玉石也大秦多金銀銅鐵鉛錫神龜白馬朱髦駱駝犀瑇瑁元熊赤螭辟毒鼠大貝車渠瑪瑙南金翠鳥羽翮象可符采玉明月珠夜光珠真白珠琥珀珊瑚赤白黑綠黃青紺縹紅紫十種流離璆琳琅玕水精玫瑰雄黃雌黃碧五色玉黃白黑綠紫紅紺金黃縹留黃十種氍毹五色氍毹五色九色首下氍毹金縷縹緞色縹金塗布緋持布發陸布緋持渠布火流布阿羅得布巴則布度伐布溫宿布五色桃布絳地金織帳五色千帳一微水二蘇合扶提迷迷兜網白附子薰陸鬱金芸膠薰草木十二種香大秦道既從海北陸通又循海而南與交趾七郡外夷北又有水道通益州永昌故永昌出異物前世但論有水道不知有陸道今其略如此其民人戶數不能備詳也自葱嶺西此國最大置諸小王甚多故錄其屬大者矣澤散王屬大秦其治在海中央北至驢分水行半歲風疾時一月到最與安息安谷城相近西南詣大秦都不知里數驢分王屬大秦其治去大秦都二千里從驢分城西之大秦渡海飛橋長一百三十里渡海道西南行繞海直西行且蘭王屬大秦從思陶國直南渡河乃直西行之且蘭三千里道出河南乃西行從且蘭復直西行之汜復國六百里南道會汜復乃西南之賢督國且蘭汜復直南乃有積石積石南乃有大海出珊瑚貝珠且蘭汜復斯賓阿蠻北有一山東西行大秦海東東各有一山皆南北行賢督王屬大秦其治東北去汜

復六百里汜復王屬大秦其治東北去于羅三百四十里渡海也于羅屬大秦其治在汜復東北渡河從于羅東北又渡河斯羅東北又渡河斯羅國屬安息與大秦接也大秦西有海水海水西有河水河水西南北行有大山西有赤水赤水西有白玉山白玉山有西王母西王母西有修流沙流沙西有大夏國堅沙國屬由國月氏國四國西有黑水所傳聞西之極矣

晉

武帝太康五年大秦國遣使貢獻

按晉書武帝本紀云云 按大秦傳大秦國一名犂

鞬在西海之西其地東西南北各數千里有城邑其城周廻百餘里屋宇皆以珊瑚爲椽琉璃爲牆壁水精爲柱礎其王有五宮其宮相去各十里每旦於一宮聽事終而復始若國有災異輒更立賢人放其舊王被放者亦不敢怨有官曹簿領而文字習胡亦有白蓋小車旌旗之屬及郵驛制置一如中州其人長大貌類中國人而胡服其土多出金玉寶物明珠

大貝有夜光璧駭雞犀及火浣布又能刺金縷繡及織錦縷屬以金銀爲錢銀錢十當金錢之一安息天竺人與之交市于海中其利百倍鄰國使到者輒廩以金錢途經大海海水鹹苦不可食商客往來皆齋三歲糧是以至者稀少漢時都護班超遣掾甘英使其國人海船人曰海中有思慕之物往者莫不悲懷若漢使不戀父母妻子者可入英不能渡武帝太康中其王遣使貢獻

按晉釋法顯佛國記從拘聯彌國南行二百由延有

國名達嚧是過去迦葉佛僧伽藍穿大石山作之凡有五重最下重作象形有五百間石室第二層作師子形有四百間第三層作馬形有三百間第四層作牛形有二百間第五層作鵝形有百間最上有泉水循石室前繞房而流周圍廻曲如是乃至下重順房流從戶而出諸層室中處處穿石作窗牖通明室中朗然都無幽暗其室四角頭穿石作梯磴上處今人形小緣梯上正得至昔人一脚所躡處因名此寺爲波羅越波羅越者天竺名鵠也其寺中常有羅漢住此土丘荒無人民居去山極遠方有村皆是邪見不識佛法沙間婆羅門及諸異學彼國人民常見人飛來入此寺于時諸國道人欲來禮此寺者彼村人則言汝何以不飛耶我見此間道人皆飛道人方便客言翅未成耳達嚧國嶮道路艱難而知處欲往者要當齋錢貨施彼國王王然後遣人送展轉相付示其逕路法顯竟不得往承彼土人言故說之耳

北魏

大秦國北魏時改名犂軒

按魏書西域傳大秦國一名黎軒都安都城從條支西渡海曲一萬里去代三萬九千四百里其海傍出猶渤海也而東西與渤海相望蓋自然之理地方六千里居南海之間其地平正人居星布其王都城分爲五城各方五里周六十里王居中城城置八臣以主四方而王城亦置八臣分主四城若謀國事及四方有不決者則四城之臣集議王所王自聽之然後施行王三年一出觀風化人言冤枉詣王訴訟者當方之臣小則讓責大則斥退令其舉賢人以代之其

人端正長大衣服車旗擬儀中國故外域謂之大秦其土宜五穀桑麻人務蠶田多璆琳琅玕神龜白馬朱鬣明珠夜光璧東南通交趾又水道通益州永昌郡多出異物大秦西海水之西有河河西南流河西有南北山山西有赤水西有白玉山山西有西王母山王爲堂云從安息西界循海曲亦至大秦四萬餘里于彼國觀日月星辰無異中國云

唐

太宗貞觀十七年拂菻遣使入獻

按唐書太宗本紀不載 按西域傳拂菻古大秦也居西海上曰海西國去京師四萬里在苦西北直突厥可薩部西瀕海有遲散城東南接波斯地方萬里城四百勝兵百萬十有一亭三亭一置臣役小國數十以名通者曰澤散曰驢分澤散直東北不得其道里東渡海二千里至驢分國重石爲都城廣八十里東門高二十丈鉅以黃金王宮有三襲門皆飾異寶中門中有金巨稱一作金人立其端屬十二九率時改一丸落以瑟瑟爲殿柱水精琉璃爲椽香木梁黃金爲地象牙闔有貴臣十二共治國王出一人挈囊以從有訟書投囊中還省枉直國有大災異輒廢王更立賢者王冠如鳥翼綴珠衣錦繡前無轡坐金薦榻側有鳥如鶴綠毛上食有毒輒鳴無陶瓦屋白石墜屋堅潤如玉盛夏引水上流氣爲風男子剪髮衣繡右袒而披乘輻輳白蓋小車出入建旌旗擊鼓婦人錦巾家貨億萬者爲上官俗喜酒嗜乾餅多幻人能發火于顏手爲江湖口幅貺舉足塵珠玉有善醫能開腦出蟲以愈目貴土多金銀夜光璧明月珠

大貝車磔礪木難孔翠虎魄織羊毛爲布曰海西布海中有珊瑚洲海人乘大舶墮鐵網水底珊瑚初生磐石上白如菌一歲而黃三歲赤枝格交錯高三四尺鐵發其根繫網船上絞而出之失時不取即腐西海有市貿易不相見置直物旁名鬼市有獸名竇大如狗獷惡而力北邑有羊生土中膾屬地割必死俗介馬而走擊鼓以驚之羔膾絕即逐水草不能羣貞觀十七年王波多力遣使獻赤玻璃綠金精下詔答竇大食稍疆遣大將軍摩拽伐之拂林約和遂臣屬乾封至大足再朝獻

按杜氏通典註外國圖云從隔巨北有國名曰大秦其種長大身長五六尺杜環經行記云拂林國德若國西隔山數千里亦曰大秦其人顏色紅白男子悉著素衣婦人皆服珠錦好飲酒尚乾餅多淫巧善織絡或有俘在諸國守死不改鄉風琉璃妙者天下莫比王城方八十里四面境土各數千里勝兵約有百萬常與大食相禦西枕西海南枕南海北接可薩突厥西海中有市客主同和我往則彼去彼來則我歸賣者陳之于前買者酬之于後皆以其直置之物傍待領直然後收物名曰鬼市又聞西有女國感水而生又云摩鄰國在秋薩羅國西南渡大磧行二千里至其國其人黑其俗儻少米麥無草木馬食乾魚人殮鵲葬即波斯東也瘴癘特甚諸國陸行之所經山胡則一種法有數般有大食法有大秦法有尋尋法其尋尋蒸報于諸夷狄中最甚當食不語其大食法者以子弟親戚而作判典縱有微過不至相累不食猪狗驢馬等肉不拜國王父母之尊不信鬼神祀天

而已其俗每七日一假不買賣不出納唯飲酒譁浪終日其大秦善醫眼及痢或未病先見或開腦出蟲睿宗景雲二年十二月拂林國獻方物

按唐書睿宗本紀不載 按開府元龜云云

元宗開元七年拂林遣使人獻

按唐書元宗本紀不載 按西域傳開元七年因吐火羅大酋獻獅子羚羊

天寶元年五月拂林國遣大德僧來朝

按唐書元宗本紀不載 按開府元龜云云

宋

神宗元豐四年冬十月己未拂林國遣使人貢

按宋史神宗本紀云云 按拂林傳拂林國東南至滅力沙北至海皆四十程西至海三十程東自西大

食及于闐回紇青唐乃抵中國歷代未嘗朝貢元豐四年十月其王滅力伊靈改撒始遣大首領徐斯都

令斯孟判來獻鞍馬刀劍異珠言其國地甚寒土屋無瓦產金銀珠西錦牛羊馬獨峰馳裂杏千年聚巴

攬粟麥以蒲萄釀酒樂有篳篥壺琴小簫篳篥鼓王服紅黃衣以金線織絲布纓頭歲三月則詣佛寺坐

紅牀使人昇之貴臣如王之服或青綠緋白粉紅褐紫並纏頭跨馬城市田野皆有首領主之每歲惟夏

秋兩得奉給金錢錦綉帛以治事大小爲差刑罰罪輕者杖數十重者至二百大罪則盛以毛囊投諸海

不尚鬪戰鄰國小有爭但以文字來往相詰問事大亦出兵鑄金銀爲錢無穿孔面鑿彌勒佛背爲王名

禁民私造

哲宗元祐六年二月庚子拂林國入貢

按宋史哲宗本紀云云 按拂林傳元祐六年其使兩至詔別賜其王帛二百匹白金瓶襲衣金帛帶

明 太祖洪武四年命拂林國人捏古倫齋詔書還諭其國王其王遣使人貢

按明外史拂林傳拂林即漢大秦桓帝時始通中國晉及魏皆曰大秦嘗入貢唐曰拂林宋仍之亦數入貢而宋史謂歷代未嘗朝貢疑其非大秦也元末其國人捏古倫入市中中國元亡不能歸太祖聞之以洪武四年八月召見命齋詔書還諭其王曰自有宋失

馭天絕其紀元與沙漢入主中國百有餘年天厭其昏淫亦用隕絕其命中原擾亂十有八年當羣雄初起時朕爲淮右布衣起義救民荷天之靈授以文武

諸臣東渡江左練兵養士十有四年西平漢王陳友諒東縛吳王張士誠南平閩粵戡定巴蜀北定幽燕

奠安方夏復我中國之舊疆朕爲臣民推戴即皇帝位定有天下之號曰大明建元洪武于今四年矣凡

四裔諸邦皆遣官告諭惟爾拂林隔越西海未及報知今遣爾國之民捏古倫齋詔往諭朕雖未及古先

哲王俾爾萬方懷德然不可不使天下知朕平定四海之意故茲詔告已而復命使臣昔刺等齋救書綵幣

招諭其國乃遣使人貢後不復至

按明會典拂林國在嘉峪關外萬餘里洪武四年遣其國故民捏古倫齋詔論之尋遣使朝貢

按明一統志拂林國東南至滅力沙北至海皆四十程西至海三十程東自大食及于闐回紇乃抵中國

宋元豐四年其王滅力伊靈改撒始遣使來貢方物

元祐中其使兩至本朝洪武四年詔遣其國故民捏古倫齋詔諭之尋遣使來朝并貢方物

按坤輿圖說最西有名邦曰如德亞其國史書載上古事蹟極詳自初生人類至今六千餘年世代相傳及分散時候萬事萬物造作原始悉記無訛因造物主降生是邦故人稱爲聖土春秋時有二聖王父達味德子撒喇滿造一天主堂皆金玉砌成飾以珍寶窮極美麗費以三十萬萬王德盛智高聲聞最遠中國謂西方有聖人疑即指此古名大秦唐貞觀中曾以經像來寶有景教流行碑刻可考

大秦國



大秦部紀事

洞冥記元封三年大秦國貢花蹄牛其色駁高六尺尾環繞其身角端有肉蹄如蓮花善走多力帝使羣銅石以起望仙宮跡在石上皆如花形故陽關之外花牛津時得異石長十丈高三丈立于望仙宮因名龍鍾石武帝末此石自陷入地惟尾出土上今人謂龍尾墩也

續博物志元封三年大秦獻花蹄牛高六尺尾環繞角生四耳阿薩部

酉陽雜俎阿勃參出拂林國長一丈餘皮色青白葉細兩兩相對花似蔓菁正黃子似胡椒赤色斫其枝汁如油以塗疥癬無不瘥者其油極貴價重于金

檉祇出拂林國苗長三四尺根大如鴨卵葉似蒜葉中心抽條甚長莖端有花六出紅白色花心黃赤不結子其草冬生夏死與薺麥相類取其花壓以爲油塗身除風氣拂林國王及國內貴人皆用之

野悉蜜出拂林國亦出波斯國苗長七八尺葉似梅葉四時敷榮其花五出白色不結子花若開時遍野皆香與嶺南詹糖相類西域人常採其花壓以爲油甚香滑

僊曝談餘朱澤民集載異域說甚奇至正丁亥冬寓京日乾元宮之寶儉齋適昆陵監郡岳忽難平陽同知散筵台偕來訪自言在延祐間忝宿衛近侍時有拂林國使來朝備言其域當日沒之處土地甚廣有七十二箇長地有水銀海周回可四五十里國人取之之法先于近海十里掘坑并數十然後使健夫駿馬馳驟可逐飛鷹者人馬皆貼以金薄連遞行近海

日照金光晃耀則水銀滾沸如潮而來勢若粘裹其人即迴馬疾馳水銀隨後趕至行稍遲緩則人馬俱爲水銀攔沒人馬既速迴于是水銀之勢漸遠力漸微却復奔迴遇坑并則水銀溜積其中然後其國人旋取之用香草同煎皆花銀也其地又能撚毛爲布謂之梭福用密缺丹染成沉綠浣之不淡其餘氈氍錦疊皆常產也至正壬午間獻黑馬高九尺餘鬣尾垂地七尺即其地所產來使四年至乞失密又四年至中州過七度海方抵京師焉岳監郡同知既別去僕書而記其說是歲十一月十九日也

拂林國孤寡無依一村人家輪流養不客別村求食明外史萬曆時大西洋人至京師言天主耶穌生於如德亞即古大秦國也其國自開闢以來六千年史書所載世代相嬗及萬事萬物原始無不詳悉謂爲天主肇生人類之邦言頗誕謾不可信其物產珍寶之盛具見前史又意大利亞居大西洋中自古不通中國萬曆時其國人利瑪竇至京師爲萬國全圖言天下有五大洲第一曰亞細亞洲中凡百餘國而中國居其一第二曰歐羅巴洲中凡七十餘國而意大利亞居其一第三曰利未亞洲亦百餘國第四曰亞墨利加洲地更大以境土相連分爲南北二洲最後得墨瓦臘尼加洲爲第五而域中大地盡矣其說荒渺莫考然其國人充斥中土則其地固有之不可誣也大都歐羅巴諸國悉奉天主耶穌教而耶穌生於如德亞其國在亞細亞洲之中西行教于歐羅巴洲其始生在漢哀帝元壽二年庚申間一千五百八十八年至萬曆九年卒利瑪竇始汎海九萬里抵廣州

之香山澳其教遂沾染中土至二十九年入京師中官馬堂以其方物進獻自稱大西洋人禮部言會典止有西洋瑣里國無大西洋其真偽不可知又寄居二十年方行進貢則與遠方慕義特來獻琛者不同且其所貢天主及大主母圖既屬不經而所攜又有神仙骨諸物夫既稱神仙自能飛昇安得有骨則唐韓愈所謂因穢之餘不宜入宮禁者也況此等方物未經臣部譯驗徑行進獻則內臣混進之非與臣等溺職之罪俱有不容辭者及奉旨送部乃不赴部審譯而私寓僧舍臣等不知其何意但諸番朝貢例有回賜其使臣必有宴賞乞給賜冠帶還國勿令潛居兩京與中人交往別生事端不報八月又言臣等議令利瑪竇遠國候命五月未賜給音母怪乎遠人之鬱病而思歸也察其情詞懇切真有不願上方錫予惟欲山棲野宿之意臣等諸禽鹿久羈愈思長林豐草人情固然乞速為頒賜賜遣赴江西諸處聽其深山遠谷寄跡怡老亦不報而帝嘉其遠來假館授榮給賜優厚公卿以下重其八人咸與晉接瑪竇安之遂留居不去以三十八年四月卒于京賜葬西郭外其年十一月朔日食曆官推算多謬朝議將修改明年五官正周子愚言大西洋歸化人龐迪我能三拔等深明曆法其所攜曆書有中國載籍所未及者當令譯上以資採擇禮部侍郎須正春等因請做洪武初設回回曆科之例令迪我等同測驗從之自瑪竇入中國後其徒來益衆有王肅者居南京專以天主教惑衆士大夫暨里巷小民間為所誘禮部郎中徐如珂惡之其徒又自誇風土人物遠勝中華如珂乃召

兩人授以筆札令各書所記憶悉舛謬不相合乃倡議驅斥四十四年與侍郎沈淮給事中晏文輝等合疏斥其邪說惑衆且疑其為佛郎機假托乞急行驅逐禮科給事中余懋華亦言自利瑪竇東來而中國復有天主之教乃雷都王豐肅陽瑪諾等煽惑羣衆不下萬人朔望朝拜動以千計夫通番左道並有禁今公然夜聚曉散一如白蓮無為諸教且往來壕境與漢中諸番通謀而所司不為遣斥國家禁令安在帝納其言至十二月令豐肅及迪我等俱遣赴廣東聽還本國命下久之遷延不行所司亦不為督發四十六年四月迪我等奏臣與先臣利瑪竇等十餘人涉海九萬里觀光上國叨食大官十有七年近南北叅劾議行屏斥竊念臣等焚修學道尊奉天主豈有邪謀敢墮惡業惟聖明垂憐候風便還國若寄居海嶼愈滋猜疑乞并南都諸處陪臣一體寬假不報乃快快而去豐肅等變姓名復入南京行教如故朝士莫能察也其國善製砲視西洋更巨既傳入內地華人多效之而不能用天啓崇禎間東北用兵數召漢中人入都令將士學習其人亦為盡力崇禎時曆法益疎外禮部尚書徐光啓請令其徒羅雅谷湯若望等以其國新法相參較開局纂修報可久之書成即以崇禎元年戊辰為曆元名之曰崇禎曆書雖未頒行其法視大統曆為密識者有取焉其國人東來者大都聰明特達之士意專行教不求祿利其所著書多華人所未道故一時好異者咸尚之而士大夫如徐光啓李之藻輩首好其說且為潤色其文詞故其教驟興時著聲中土者更有龍華民畢方濟艾如略

鄧玉函諸人華民方濟如略及熊三拔皆意大利亞國人玉函熱而瑪尼國人龐迪我依西把尼亞國人陽瑪諾波而都瓦爾國人皆歐邏巴洲之國也其所言風俗物產多考且有職方外記諸書在不具述

大秦部雜錄

日知錄今之佛經皆題云大秦鳩摩羅什譯謂是姚興國號非也大秦乃西域國名後漢書西域傳言大秦國在海西地方數千里有四百餘城小國役屬者數十又云天竺國西與大秦通此其國名之偶同而傳以為其人民皆長大平正有類中國故謂之大秦固未必然而晉書載記石季龍時有安定人侯子光自稱佛太子謂大秦國來當王小秦國以中國為小秦則益為夸誕矣

欽定古今圖書集成方輿彙編邊裔典

第六十一卷目錄

堅昆部彙考

三國總一則

唐太宗貞觀一則 唐肅宗上元一則 唐中宗景龍一則 唐文宗開元一則 唐武宗會昌一則

堅昆部藝文

點曼斯朝貢圖傳序

與點曼斯可汗書

與點曼斯書

與點曼王書

與紇挖可汗書

呼得部彙考

三國總一則

盤越部彙考

三國總一則

邊裔典第六十一卷

堅昆部彙考

三國

堅昆國三國時聞於中國

按魏志注西戎傳堅昆國在康居西北勝兵三萬人

隨畜牧亦多貂有好馬

唐

太宗貞觀二十二年點曼斯會長俟利發入朝以其

地為堅昆府俟利發為左屯衛大將軍都督

按唐書太宗本紀不載 按點曼斯傳點曼斯古堅昆國地當伊吾之西焉者北白山之旁或曰居勿曰結骨其種雜丁零乃匈奴西鄙也匈奴封漢降將李陵為右賢王衛律為丁零王後郅支單于破堅昆於時東距單于廷七千里南車師五千里郅支留都之故後世得其地者詔為結骨稍號紇骨亦曰紇挖斯云衆數十萬勝兵八萬直回紇西北三千里南依食漫山地夏沮洳冬積雪人皆長大赤髮皙面綠瞳以黑髮為不祥黑瞳者必曰陵苗裔也男少女多以環貫耳俗越仇男子有勇黥其手女已嫁黥項雜居多淫佚謂歲首為茂師哀以三哀為一時以十二物紀年如歲在寅則曰虎年氣多寒雖大河亦半冰稼有禾粟大小麥青稞步磴以為麪糜稌以二月種九月穫以飯以釀酒而無果蔬畜馬至壯大以善鬪者為頭馬有豪駝牛羊牛為多富農至數千其獸有野馬骨咄黃羊獐羆鹿黑尾黑尾者似犴尾大而黑魚有蔑者長七八尺莫痕者無骨口出頤下鳥鴈鴛鴦鵲鷹隼木松樺榆柳蒲松高者仰射不能及顛而樺尤多有金鐵錫每兩俗必得鐵號迦沙為兵絕犀利常以輪突厥其戰有弓矢旗幟其騎士析木為盾蔽股足又以圓盾傳肩可捍矢刃其君曰阿熱達姓阿熱氏建一懸下皆尚赤餘以部落為之號服貴貂納阿熱多帽貂夏帽金釵銳頂而卷末諸下皆帽白氍毹佩刀礪賤者衣皮不帽女衣氍毹錦屬綫蓋安西北庭大食所貿售也阿熱駐牙青山周柵代垣聯甍為帳號密的支它首領居小帳凡調兵諸部役屬者悉行內貂鼠青鼠為賦其官宰相都督職使長史將軍

達干六等宰相七都督三職使十皆典兵長史十五將軍達干無員諸部食肉及馬酪惟阿熱設餅餌樂有笛鼓笙簫栗盤鈴戲有弄駝師子馬伎繩技祠神惟主水草祭無時呼巫為甘昏嫁納羊馬以聘富者或百千計喪不斂面三環尸哭乃火之收其骨歲而乃墓然後哭泣有節冬處室木皮為覆其文字言語與回鶻正同法最嚴臨陳曉奉使不稱妄議國若盜者皆斷首子為盜以首著父頸非死不脫阿熱牙至回鶻牙所塞駝四十日行使者道出天德右二百里許抵西受降城北三百里許至鶻鶻泉泉西北至回鶻牙五百里許而有東西兩道泉之北東道也回鶻牙北六百里得仙娥河河北曰雪山山地多水泉青山之東有水曰劍河偶艇以渡水悉東北流經其國合而北入於海東至木馬突厥三部落曰都播彌列哥俄支其酋長皆為額斤樺皮覆室多善馬俗乘木馬馳冰上以板藉足屈木支腋輒百步勢迅激夜鈔盜晝伏匿堅昆之人得以役屬之堅昆本強國也地與突厥等突厥以女妻其酋豪東至骨利幹南吐蕃西南焉邏藏始隸薛延陀延陀以額利發一人監國其酋長三人曰訖悉單曰居沙波單曰阿米單共治其國未始與中國通貞觀二十二年間鐵勒等已入臣即遣使者獻方物其酋長俟利發失鉢屈阿機身入朝太宗勞享之謂羣臣曰往渭橋斬三突厥自謂功多今俟利發在席更覺過之俟利發酒酣奏願得持笏帝以其地為堅昆府俟利發左屯衛大將軍即為都督隸燕然都護按西陽維紐堅昆部落非狼種其先所生之窟在曲

漫山北自謂上代有神與牯牛交於此窟其人髮黃目綠赤髭髯其髭髯俱黑者漢將李陵及其兵衆之後也西屠俗染齒令黑

高宗上元二年二月堅昆獻名馬

按唐書高宗本紀不載 按點曼斯傳高宗世來朝

按冊府元龜上元二年二月堅昆獻名馬

中宗景龍二年點曼斯遣使入獻

按唐書中宗本紀不載 按點曼斯傳景龍中獻方物中宗引使者勞之曰而國與我同宗非它蕃比屬以酒使者頓首

按冊府元龜景龍二年十一月堅昆國遣使來朝

元宗開元十二年十二月堅昆國遣使獻馬

天寶六載四月堅昆獻馬九十八匹十二月堅昆獻馬六十匹令西受降城使印而納之

按以上唐書元宗本紀不載 按冊府元龜云云

肅宗乾元 年點曼斯爲回紇所破

按唐書肅宗本紀不載 按點曼斯傳元宗世四朝獻乾元中爲回紇所破自是不能通中國後狄語訛

爲點曼斯蓋回鶻謂之若曰黃亦面云又訛爲曼曼斯然常與大食吐蕃葛祿相依仗吐蕃之往來者畏

回鶻馴鈔必住葛祿以待點曼斯護送大食有重錦其載二十橐駝乃勝既不可兼負故裁爲二十匹每

三歲一餉點曼斯

文宗開成 年點曼斯大敗回鶻得太和公主護送

歸朝回紇遂取之殺其使者

按唐書文宗本紀不載 按點曼斯傳回鶻授其君

長阿熱官爲毗伽頓頓斤回鶻稍衰阿熱即自稱可

汗其母突厥施女也爲母可敦妻葛祿葉護女爲可敦回鶻遣宰相伐之不勝擊鬪二十年不解阿熱恃勝乃肆詈曰爾運盡矣我將收爾金帳於爾帳前馳我馬植我旗爾能抗亟來即不能當疾去回鶻不能討其將句錄莫賀導阿熱破殺回鶻可汗諸特勒皆潰阿熱身自將焚其牙及公主所廬金帳者回鶻可汗常坐也乃悉收其寶貨并得太和公主遂徙牙牢山之南牢山亦曰賂蒲距回鶻舊牙度馬行十五日阿熱以公主唐貴女遣使者衛送公主還朝爲回鶻烏介可汗邀取之并殺使者

武宗會昌 年冊阿熱爲宗英雄武誠明可汗不果

按唐書武宗本紀不載 按點曼斯傳會昌中阿熱

以使者見殺無以通於朝復遣注吾合素上書言狀

注吾虜姓也合言猛素者左也謂武猛善左射者行

三歲至京師武宗大悅班渤海使者上以其處窮遠

能修職貢命太僕卿趙蕃持節臨慰其國詔宰相即

鴻臚寺見使者使譯官考山川國風宰相德裕上言

貞觀時遠國皆來中書侍郎顏師古請如周史臣集

四夷朝事爲王會篇今點曼斯大通中國宜爲王會

圖以示後世有詔以鴻臚所得續著之又詔阿熱著

宗正屬籍時烏介可汗餘衆託黑車子阿熱願乘秋

馬肥擊取之表天子請師帝令給事中劉濤爲巡邊

使朝廷亦以河隴四鎮十八州久淪戎狄幸回鶻破

弱吐蕃亂相殘留可乘其衰乃以右散騎常侍李拭

使點曼斯冊君長爲宗英雄武誠明可汗未行而武

宗崩 按李德裕傳德裕冊拜司空回鶻自開成時

爲點曼斯所破會昌後烏介可汗挾公主牙塞下種

族大饑以弱口重器易粟於邊退渾黨項利虜掠因天德軍使田牟上言願以部落兵擊之議者請可其言德裕曰回鶻於國嘗有功以窮來歸未輒援邊速伐之非漢宣帝待呼韓之義不如與之食以待其變陳夷行曰資盜糧非計也不如擊之便德裕曰沙陀遐渾不可恃也夫見利則進遇敵則走雜虜之常態孰肯爲國家用邪天德兵素弱以一城與勁虜確無不敗請詔牟無聽諸戎計帝於是貸粟二萬斛會盟沒斯殺赤心以降赤心兵潰去於是回鶻勢窮數丐

羊馬欲藉兵復故地又願假天德城以舍公主帝不

許乃進逼振武保大柵柵頭峰以略朔州轉戰雲州

刺史張獻節嬰城不出回鶻乃大掠攻項退渾皆保

險莫敢拒帝益知向不許田牟用二部兵之效乃復

問以計德裕曰柵頭峰北皆大磧利用騎不可以步

當之今烏介所持公主爾得健將出奇奪還之王師

急擊彼必走今銳將無易石雄者請以藩渾勁卒與

漢兵銜枚夜擊之勢必得帝即以方略授劉沔令雄

逆擊可汗於殺胡山敗之迎公主還回鶻遂敗進位

司徒點曼斯遣使來且言攻取安西北廷帝欲從點

曼斯求其地德裕曰不可安西距京師七千里北廷

五千里異時絳河西隴右抵玉門關皆我郡縣往往

有兵故能緩急調發自河隴入吐蕃則道出回鶻回

鶻今破滅未知點曼斯果有其地邪假令安西可得

即復置都護以萬人往戍何所與發何道饋輓彼天

德振武於京師近力猶苦不足况七千里安西哉臣

以爲縱得之無用也昔漢魏相請罷田車師賈捐之

請棄珠崖近狄仁傑亦請棄四鎮及安東皆不願食

外以耗內此三臣者當全盛時尚欲棄割以肥中國况久沒甚遠之地乎是持實費市虛事滅一回禍而又生之帝乃止

宣宗大中元年詔鴻臚卿李業開點曼斯為英武誠明可汗

按唐書宣宗本紀不載 按點曼斯傳宣宗嗣位欲如先帝意或謂點曼斯小種不足與唐抗詔宰相與臺省四品以上官議皆曰回鶻盛時有開號今幸衰亡又加點曼斯後且生患乃止至大中元年卒詔鴻臚卿李業持節冊點曼斯為英武誠明可汗速威通問三來朝然卒不能取回鶻後之朝聘冊命史臣失傳

堅昆部藝文

點曼斯朝貢圖傳序

唐李德裕

昔越裳貢雉薦於宗廟西旅貢獒陳以典訓所以感其至而戒其初也仁聖文武至神大孝皇帝御曆之四年矣天瑞燦爛王道昭煌五材並用六轡斯柔布政宣室以張神化振兵朔野以耀威靈故得天降而清日晏而明蟲螟不生嘉穀以成中外既安四夷來庭由是龍荒君長點曼斯遣使注吾合素等上表獻良馬二匹絕大漠而貢赤誠涉流沙而霑緒汗非至

德所感孰能臻於斯乎皇帝以前有鸞旗焉用驥駉不貴龍友鳴駕岐車乃命其使見於內殿賜以珍膳錫之文錦謹按故相魏國公賈耽所撰古今四夷述點曼斯者本堅昆國也貞觀二十一年其酋長自身入朝授以將軍印拜堅昆都督逮於天寶季年朝貢不絕洎中國多難以回鶻隔礙點曼斯忿其桀驁乘彼薦餓於是破龍庭焚屬藩蕭條萬里地無種落得出重泉而見白日披氛霧而觀青天臣伏見太宗謂羣臣曰南荒西域自遠而至其故何哉宰臣元齡對曰殊域來朝者中國又安帝德遐被所致太宗曰向使中國不安何緣而至朕觀此懷懼何者昔秦始皇并吞六國漢武帝威加戎狄今殊方異類無遠不賓竊比秦始漢武想無多愧亦欲傳之子孫念二主之末途朕所以不能不懼爾臣伏思太宗往昔之懼致我唐百代之隆則聖祖貽謀可謂深矣此太宗所以永保鴻名為受命之祖陛下所以丕承王業為中興之君豈不宜哉天旨以賈耽有陳平鎮撫之才得充國通知之敏其所述作該明古今詔太子詹事韋宗卿祕書少監李述往蒞賓館以展私觀稽合同異繙繙闕遺傳胡邪咒離之音載山川曲折之狀條貫周備文理洽通臣伏以貞觀初中書侍郎顏師古上言者周武王天下太平遠國歸款周史乃集其事為王會篇今萬國來朝蠻夷率服實可圖寫請撰為王會圖有詔從之臣輒因韋宗卿李述所紀異聞飾以會事敢叙率服以冠篇首

與點曼斯可汗書

前人

皇帝敬問點曼可汗溫件合將軍至覽書及所獻馬

百匹鶴十聯具悉可汗特稟英姿生知雄略奮揚威武底定龍荒掃回鶻之穹居報怨以直護公主之屬幕事大以誠又遣貴族信臣載馳朔漠名馬驚鳥遠涉流沙既展同姓之親克副懷柔之意眷言動績深慰予衷朕獲奉丕圖撫寧萬國豈望化平有截致殷湯來享之明實恐德未徧覆愧漢宣兼臨之盛况與彼國壤隔外內非正朔所加禮既不施政豈宜及但以惜可汗宗盟之國願保光名為可汗久遠之謀須除後患所以具古今禍福往論至懷昔呼韓耶單于以郵支尚存國雖未靖稱蕃事漢漢及子孫至後漢單于比以其大父依漢而安繼襲其號上書款塞永願蕃蔽漠南遂得朔塞底寧烽燧永息近則回鶻仗大國之援雄長北蕃諸部率從莫敢不服一隅安樂百有餘年此事昭然可汗所觀今回鶻種類未盡分居蕃漠之間爰及黑車子久畏其威素習非信慮彼再振常持兩端須令小蕃知朕親厚可汗棄絕回鶻實在和好分定內附約明則邪計姦謀無由而入故欲顯加冊命昭示萬方况登里可汗回鶻舊號是國家項年前賜非同鶻自製此名今回鶻國已破亡理當嫌避朕以可汗先祖在貞觀中身自入朝太宗授以左衛將軍堅昆都督朕思欲繼太宗之舊典彼亦宜遵先祖之明誠便以堅昆為國施於冊命更加美號以表懿圖况堅者不朽之名昆者有後之稱示不忘本豈不美歟朕昨令禮部尚書鄭肅等與彼使臣面陳大計溫件合將軍等皆諭朕旨願言結成豈必契徑路之金漢匈奴傳注云徑路實乃契徑也舉留犁之酒漢匈奴傳注云舉留犁之酒保茲誠信固在厥初頃者回鶻初至塞上請國家精兵

十萬送至漠北漸歸本蕃又請借漢界一城養育疲羸以圖興復朕以可汗之故盡不聽從今回鶻是國家叛臣爲可汗讎敵須去根本方保永安况是天亡之時易於攻取古人云天與不取反受其咎可汗須乘此機便早務芟夷回鶻未滅已前可汗勿以飲食爲甘弋獵爲樂勵兵秣馬不可暫開所恨限在諸蕃國家難爲同力儻更近塞豈復稽誅又恐餘孽歸降可汗未能盡戮納有罪之衆受遁逃之臣儻收吾憎必仍邊隙此則是蕃養虺毒自生厲階前年回鶻宰相等向漢使云李靖擒頡利可汗後國中只是三二十人便却興復雖在危困尚示張皇可汗深察此言豈得不慮又聞合羅川回鶻牙帳未盡毀除想其懷土之心必有思歸之志要速平其區落無使子遺既表成功彼當絕望可汗以摠積年之憤自爲一代之雄至于居處服章皆宜變革焉得安于所習姑務因循則何以震耀北方彈壓諸部朕撫有中夏愛育生靈常恐百姓未安一物失所豈顧更廣威略遙制要荒但緣與可汗方保和盟義同憂樂纖微之事皆欲備言想可汗與將相籌謀副茲誠意此使到日必諒朕心即宜速遣報章此當遣重臣冊命更熱想可汗休泰將相已下並存問之遺書指不多及

與點曼斯書

前人

皇帝敬問點曼斯可汗將軍諱德伊斯難珠至覽書并白馬二匹具悉可汗降精斗極雄漢朔以爲君眾耀旄頭分天街而建國特表英豪之氣風推統馭之才眷相嘉猷載深寤歎來書云溫什合將軍歸國後漢使不來溫什合去日朕書具云速遣報章此當遣

重臣冊命自是可汗未論此意報答稍遲此則尋欲遣使只是延望來信又云金石路隔絕蓋爲山川悠遠未得與可汗封壤接連非是兩國之情猶有阻隔想可汗明識無復致疑又云兩地遺書彼此不會且書不可以盡言言不可以盡意况著漢文字傳譯不同只在共推赤心求保盟好豈必緣飾此語以此交歡想每欲思惟先思好意不更疑惑便是明誠又曰欲除却兩極間惡刺此之一事最是嘉言緣回鶻雄據北方代爲君長諸蕃臣伏百有餘年今可汗掃除穹廡大雪讎恥功業既高於前古威聲已振於北荒固當深務遠圖豈可更留餘燼黑車子不度德量力敢保寇讎則是侮慢可汗獨不向化此而可忍孰不可容况可汗前來云求訪送公主使上天入地必須覓得今若捨而不問何以取信朕懷想可汗前乘彼盛秋長驅精騎問回鶻通逃之罪行黑車子後服之誅取若拾遺復無再舉從茲蕩定豈不美歟來書又云送公主到彼無一語來緣公主縋離可汗五日便被回鶻劫奪所遣來使盡被殺殺公主二年之中流離沙漠事已隔遠所以不再叙言然越著去日已具感悅之心足表慙懃之意又聞今秋欲移住回鶻牙帳減其大國便保舊居足使諸蕃畏威回鶻絕望稍近漢境頗謂良圖所云請發運兵馬期集去處緣黑車子曾去漢界一千餘里在沙漠之中從前漢兵未嘗到彼已聞回鶻深意常欲投寬安西待至今秋朕當令幽州太原振武天德緣邊四鎮要路出兵料可汗攻討之時回鶻必當潛遁各令邀截便可臬擒此是軍期須如符契想可汗必全大信用叶一心諦德

與點曼王書

前人

伊斯難珠朕已於三殿面對兼賜宴樂並依來表不更滯留續遣重臣便申冊命故先達此旨令彼國明知冊命之禮並依回鶻故事可汗爰始立國臨長諸蕃須示鄰壤情深宗盟義重以此鎮撫誰敢不從宜體至懷共恢遠略春暖想可汗休泰將相以下並存問之遺書指不多及

皇帝敬問點曼王時及陽和想比佳適注吾合素等至省表并進馬事具悉國王陰山雄勃朔野英雄包智略以周身推誠明而有衆聲高夷落咸重蕃疆專遣使臣遠獻名馬嚮化之誠既展輸忠之効頗明臨軒省章輟食嘉歎眷言忠盡寧忘履典項于貞觀中彼國常奉朝貢亦授官爵寵賜而還爾後但訝音耗久乖不知中爲回鶻所隔及覽來表方嘉壯圖蓄銳多年乘機大舉快雪冤憤豁開心懷回鶻之營壘既平國家之山河不間既爲鄰境遂閱貢章又知破回鶻之時取得太和公主特遣專使送歸闕庭雖聞行至中途却爲回鶻所奪在國王遵以禮義推之和寧遠同族之讒嫌厚親鄰之思信賢明如此愧慰難名回鶻項以失國爲詞款塞相託朕以動親是念拯卹屢加曾不知恩漸開愁惡驟棄公主侵暴平人日尋干戈時竊牛馬朕爲全舊好不問誅歲月滋深邊防將倦各用長策繼彰殊勳焚帳幕而公主歸還透網羅而元惡逃遁顧其餘類何所寄生國王遠聞想同深慰然猶恐奔竄尚有姦兇又慮侵彼封疆將復讎怨國王亦須嚴爲備擬設機謀同務討除盡其根本無貽後患勉繼前修親仁善鄰惟彼與此勿謂

遐遠常存寤思因注吾合素回且先詔示其他禮命續專遣使宣慰想宜知悉

與紇可汗書

前人

皇帝敬問紇可汗時屬載陽想彼休泰朕撫臨萬宇子育羣生思致洽和用臻至理將軍哈布合祖等至覽表具知可汗生戴斗之鄉居寒露之野智謀精果材志沈雄威動龍荒聲馳象魏眷言丕績深注予懷我太宗文皇帝聖德高於百王英才軼於千古內定諸夏外服百蠻貞觀四年西北蕃君長詣闕頌類願請上尊號為天可汗是後降璽書西北蕃君長皆稱皇帝天可汗臨統四夷實自茲始洎貞觀六年太宗遣使臣王義恆至可汗本國將命鎮撫貞觀二十二年可汗本國君長身自入朝太宗授左屯衛將軍堅昆都督至天寶末年朝貢不絕則可汗祖先已受我國家恩德計可汗國中遺老必自流傳朕續奉丕圖思申舊好比聞天德已後為回鶻所隔久阻誠款回鶻自謂天驕罔修仁義肆行殘忍陵虐諸蕃知可汗代為仇讎果能報復滅其國邑皆以丘墟驅彼酋渠盡逾沙漠茂功壯節近代無儔回鶻當中國伐叛之時嘗展勦力列聖嘉其大順累降姻親今失國逃亡依於塞上只合早歸窮款受朕撫循而乃轉自鷗張益懷狼顧在陰山之外誘惑小蕃乘我無虞即來侵掠恣為邊患今已四年朕大徵甲兵欲盡除剪比令幽州太原兩道節度皆充招撫以示綏懷望其懷心猶務含育而陵蔑公主頓擬傷殘馳突邊城敢謀竊盜近太原節度使劉河不勝其忿潛出偏師乘其請張便襲虜衆大潰穹廬盡焚元惡傷夷脫身潛

竄已取得太和公主即至闕庭回鶻殘兵不滿千人散投山谷計旬日之內必合梟擒朕再見公主良深欣慰可汗既為讎怨須盡殲夷儻留餘燼必生後患想還聞慶快當倍懷心聞可汗受氏之源與我同族北平太守材氣天下無雙結髮事邊控弦貫石自後子孫多習武略代為將門嫡孫都尉提精卒五千深入大漠單于舉國來敵莫能抗威身雖陷敗名震蠻貊我國家承北平太守之後可汗又是都尉苗裔以此合族尊卑可知昨聞太和公主為可汗兵衆所得可汗以同姓之國便遣歸還有此見可汗秉禮義之心重親鄰之好朕深用感歎至於涕零公主尋為回鶻劫奪久不歸國可汗所遣使臣皆被殘戮朕言念傷痛至今不忘昨見可汗表求訪送公主使上天入地必須覓得今邊將憤慨已立奇功回鶻罪人計日可致即當顯戮以謝可汗況回鶻夷滅種族必盡與可汗便為鄰國各保舊疆總好息人事同一體從此邊陲罷警弓矢載棄必當諸部服從皆懷健羨知我兩國未為宗盟想可汗明智自有良算故令太僕卿兼御史丞相趙蕃特充節使以答深誠質於神明用存大信朕言不貳可不勉歟又自古外蕃皆須中國冊命然可彈壓一方今欲冊命可汗特加美號緣未知可汗之意且遣諭懷待趙蕃回日別命使展禮以申和好彼國將相並存問之遺書指不多及

呼得部彙考

三國

呼得國三國時聞於中國按魏志注西戎傳呼得國在蔥嶺北烏孫西北康居東北勝兵萬餘人隨畜收出好馬有貂

盤越部彙考

三國

盤越與益部相近三國時蜀人賈似至其國按魏志注西戎傳盤越國一名漢越正在天竺東南數千里與益部相近其大小與中國人等蜀人賈似至焉南道而西極轉東南盡矣

欽定古今圖書集成方輿彙編邊裔典
第六十二卷目錄

吐谷渾部彙考

晉 懷帝永嘉一則 孝武帝一則

宋少帝景平一則
文帝元嘉八則
孝武帝
大明一則
明帝泰始三則
後廢帝元徽

南齊高帝建元二則 武帝永明二則

梁武帝大監五則 普通二則 中大通二則
大同一則

北魏則 太平真君二則 文成帝和平一則
獻文帝皇興二則 孝文帝延興三則 太

神龜二則	永平三則	宣武帝景明二則	永平三則
正光二則	延昌四則	孝明帝熙平二則	正光二則
	孝昌一則	出帝永	

文
熙一則 孝靜帝興和二則 武定五則
帝大統一則 廢帝一則 恭帝一則
宣帝天保二則

北齊明帝武成一則武帝保定二則天和

隋 高祖開皇十則 煬帝大業四則

高祖武德七則	太宗貞觀十五則	高宗
永徽三則	乾封一則	咸亨二則
中宗	睿宗	肅宗
代宗	德宗貞元一則	順聖一則

後唐莊宗同光一則 明宗天成二則 長興

邊裔典第六十二卷
吐谷渾部彙考

晉
懷帝永嘉 年吐谷渾自立於隴西

按晉書懷帝本紀不載。按吐谷渾傳吐谷渾慕容廆之庶長兄也。其父涉歸分部落一千七百家以隸之。及涉歸卒。廆嗣位。二部馬鬪。廆怒曰。先公分建有別。奈何不相遠離。而令馬鬪。吐谷渾曰。馬爲畜耳。鬪其常性。何怒於人。垂別甚異。當去汝於萬里之外矣。於是遂行。廆悔之。遣其長史史那樓及父時者舊追還之。吐谷渾曰。先公稱卜筮之言。當有二子克昌。祚流後裔。我卑庶也。理無並大。今因馬而別。始天所啓乎。諸君試驅馬令東。馬若還東。我當相隨去矣。樓馮遣從者二千騎擁馬東出數百步。輒悲鳴西走。如是者十餘輩。樓馮跪而言曰。此非人事也。遂止。鮮卑謂兄爲阿干。廆追思之作阿干之歌。歲暮窮思。常歌之。吐谷渾謂其部落曰。我兄弟俱當享國。廆及曾元纔百餘年耳。我元孫已後廆。其昌乎。於是乃西附陰山。屬末嘉之亂。始度隴。而西其後子孫據有西零。已西甘松之界。極乎白蘭。數千里。然有城郭而不居。隨還水草。盧帳爲屋。以肉酪爲糧。其官置長史司馬。將軍頗識文字。其男子通服長裙帽。或帶罽毼。婦人以金花爲首飾。辮髮綰後綴以珠貝。其婚姻富家。厚出聘財。竊女而去。父卒妻其羣母兄亡妻其諸嫂。喪服制葬訖。而除國無常稅調。用不給。輒斂富室商人。取足而止。殺人及盜馬者。罪至死。他犯則徵物以贖地。宜大麥而多蔓菁。頗有菽粟。出蜀馬。犂牛。西北雜種。

謂之爲阿柴虜或號爲野虜焉吐谷渾年七十二卒有子六十人長曰吐延嗣吐延身長七尺八寸雄姿魁傑羌虜憚之號曰項羽性倨儻不羣常懷慨謂其下曰大丈夫生不在中國當高光之世與韓彭吳鄧並驅中原定天下雄雄使名垂竹帛而潛窺窮山隔在殊俗不聞禮教於上京不得策名於天府生與麋鹿同羣死作甌夷之鬼雖偷觀日月獨不愧於心乎性酷忍而負其智不能恤下爲羌酋姜聰所刺劒猶在其身謂其將紇拔泥曰豎子刺吾君之過也上負先公下愧士女所以控制諸羌者以吾故也吾死之後善相葉延速保白蘭言終而卒在位十三年有子十二人長子葉延嗣葉延年十歲其父爲羌酋姜聰所害每旦縛草爲姜聰之象哭而射之中之則號泣不中則瞋目大呼其母謂曰姜聰諸將已屠鹵之矣汝何爲如此葉延泣曰誠知射草人不益於先隸以申罔極之志耳性至孝母病五日不食葉延亦不食長而沈毅好問天地造化帝王年曆司馬薄洛鄰曰臣等不學實未審三皇何父之子五帝誰母所生延曰自義皇以來符命元象昭言著見而卿等面牆何其鄙哉語曰夏蟲不知冬冰夏不虛也又曰禮云公孫之子得以王父字爲氏吾始祖自昌黎光宅於此今以吐谷渾爲氏尊祖之義也在位二十三年卒年三十三有子四人長子辟奚嗣

孝武帝 年吐谷渾辟奚遣使獻馬於苻堅按晉書孝武帝本紀不載按吐谷渾傳辟奚性仁惠初聞苻堅之盛遣使獻馬五十匹金銀五百斤堅大悅拜爲安遠將軍時辟奚三弟皆專恣長史鍾惡

孝武帝 年吐谷渾辟奚遣使獻馬於苻堅
按晉書孝武帝本紀不載 按吐谷渾傳辟奚性仁
惠初聞苻堅之盛遣使獻馬五十匹金銀五百斤堅
大悅拜爲安遠將軍時辟奚三弟皆忠長史鍾惡

地恐爲國害謂司馬乞宿雲曰昔鄭莊公秦昭王以一弟之寵宗祀幾傾見今三尊並驕必爲社稷之患吾與公忝當元輔若獲保首領以沒於地先君有問其將何辭吾今誅之矣宿雲請曰辟奚惡地曰吾王無斷不可以告於是因羣下入觀遂執三弟而誅之辟奚自投於牀惡地等奔而扶之曰臣昨夢先王告臣云三弟將爲逆亂汝速除之臣謹奉先王之命矣辟奚素友愛因恍惚成疾謂世子視連曰吾禍滅同生何以見之於地下國事大小汝宜攝之吾餘年殘命寄食而已遂以憂卒在位二十五年時年四十二有子六人視連嗣視連既立通聘於乞伏乾歸拜爲白蘭王視連幼廉慎有志性以父憂卒不知政事不飲酒遊田七年矣鍾惡地進曰夫人君者以德御世以威齊衆養以五味娛以聲色此四者聖帝明王之所先也而公皆略之昔昭公儉嗇而喪偃王仁義而亡然則仁義所以存身亦所以亡己經國者德禮也濟世者刑法也二者或差則綱維失緒明公奕葉重光恩結西夏雖仁孝發於天然猶宜憲章周孔不可獨追徐偃之仁使刑德委而不建視連泣曰先王追友于之痛悲憤升遐孤雖纂業尸存而已聲色遊娛豈所安也綱維刑禮付之將來臨終謂其子視熊曰我高祖吐谷渾公常言子孫必有與者永爲中國之西藩慶流百世吾已不及汝亦不見當在汝之子孫輩耳在位十五年而卒有二子長曰視熊少曰烏紇提視熊性英果有雄略嘗從容謂博士金城纂苞曰易云動靜有常剛柔斷矣先王以仁宰世不任威刑所以剛柔靡斷取輕鄰敵當仁不讓豈宜拱默者乎

今將秣馬厲兵爭衡中國先生以爲何如苞曰大王之言高世之略秦隴英豪所願聞也於是虛襟撫納衆赴如歸乞伏乾歸遣使拜爲使持節都督龍涸已西諸軍事沙州牧白蘭王視熊不受謂使者曰自晉道不綱姦雄競逐劉石虐亂秦燕跋扈河南王處形勝之地宜當糾合義兵以懲不順奈何私相假署擬僭群兇寡人承五祖之休烈控弦之士二萬方欲掃氛秦隴清彼沙涼然後飲馬涇渭戮閭鼎之豎以一九泥封東關開燕趙之路迎天子於西京以盡遺藩之節終不能如季孟子陽安自尊大爲吾白河南王何不立勳帝室策名王府建當年之功流芳來葉邪乾歸大怒然憚其疆初猶結好後竟遣衆擊之視熊大敗退保白蘭在位十一年年三十三卒子樹洛干年少傳位于烏紇提烏紇提一名大孩性懦弱耽酒淫色不恤國事乞伏乾歸之入長安也烏紇提屢抄其境乾歸怒率騎討之烏紇提大敗亡失萬餘口保于南涼遂卒于胡國在位八年時年三十五視熊之子樹洛干立樹洛干九歲而孤其母念氏聰慧有姿色烏紇提妻之有寵遂專國事洛干十歲便自稱世子年十六嗣立率所部數千家奔歸莫何川自稱大都督車騎大將軍大軍于吐谷渾王化行所部衆庶樂業號爲茂寅可汗沙涼雜種莫不歸附乃宣言曰孤先祖避地于此暨孤七世思與羣賢共康休緒今士馬桓桓控弦數萬孤將振威梁益稱霸西戎觀兵三秦還朝天子諸君以爲何如衆咸曰此盛德之事也願大王自勉乞伏乾歸甚忌之率騎二萬攻之于赤木樹洛干大敗遂降乾歸歸拜爲平狄將軍赤

水都護又以其弟吐護眞爲捕虜將軍層城都尉其後屢爲乞伏熾磐所破又保白蘭慚憤發病而卒在位九年時年二十四熾磐聞其死喜曰此虜矯矯所謂有豕白蹄也有子四人世子拾虔嗣其後世嗣不絕

宋

少帝景平元年吐谷渾阿豺遣使朝貢以阿豺爲安西將軍沙州刺史封澆河公

按宋書少帝本紀云云 按吐谷渾傳視熊子樹洛干自立自稱車騎將軍義熙初也樹洛干死弟阿豺自稱驃騎將軍譙縱亂蜀阿豺遣其從子西疆公吐谷渾勅來泥拓土至龍涸平康少帝景平中阿豺遣使上表獻方物詔曰吐谷渾阿豺介在遐表慕義可嘉宜有寵任酬其來款可督塞表諸軍事安西將軍沙州刺史澆河公未及拜受 又按本傳其國西有黃沙南北一百二十里東西七十里不生草木沙州因此爲號屈眞川有鹽池甘谷嶺北有雀鼠同穴或在山嶺或在平地雀色白鼠色黃地生黃紫花草便有雀鼠穴白蘭土出黃金銅鐵其國雖隨水草大抵治慕賀州

按魏書吐谷渾傳樹洛干死弟阿豺自立自號驃騎將軍沙州刺史部內有黃沙周回數百里不生草木因號沙州阿豺兼并羌氏地方數千里號爲疆國田于西疆山觀墊江源問於羣臣曰此水東流有何名由何郡國入何水也其長史曾和曰此水經仇池過晉書出宕渠號墊江至巴郡入江度廣陵會於海阿豺曰水尚知有歸吾雖塞表小國而獨無所歸乎遣使

通劉義符獻其方物義符封爲淺河公未及拜受文帝元嘉三年又詔加阿豺除命未至而阿豺死弟慕瓚立

按宋書文帝本紀不載 按吐谷渾傳云云

元嘉七年詔授慕瓚督塞表諸軍事征西將軍沙州刺史隴西公

按宋書文帝本紀元嘉七年正月以吐谷渾慕瓚爲征西將軍沙州刺史 按吐谷渾本傳元嘉六年表

曰大宋應運四海宅心臣亡兄阿豺慕義天朝款情素著去年七月五日謁者董湛至宣傳明詔顯授榮

爵而臣私門不幸兄亡見背臣以懦弱負荷後任然天恩所報本在臣門若更反覆懼停信命輒拜受寵

任奉遵上旨伏願詳處更授章策七年詔曰吐谷渾慕瓚兄弟慕義至誠可嘉宜授策爵以甄忠款可督

塞表諸軍事征西將軍沙州刺史隴西公 按魏書吐谷渾傳劉義隆元嘉三年又加除命又將

遣使朝貢會暴病臨死召諸子弟告之曰先公車騎捨其子虔以大業屬吾吾豈敢忘先公之舉而私於

緯代其以慕瓚繼事阿豺有子二十人緯代長子也阿豺又謂曰汝等各奉吾一隻箭折之地下俄而命

母弟慕利延曰汝取一隻箭折之慕利延折之又曰汝取十九隻箭折之延不能折阿豺曰汝曹知否單

者易折衆則難摧戮力一心然後社稷可固言終而死兄子慕瓚立先是阿豺時劉義隆命竟未至而死

慕瓚又奉表通義隆義隆又授隴西公慕瓚招集秦涼亡業之人及羌戎雜衆至五六百落南通蜀漢

北交涼州赫連部衆轉盛

元嘉九年慕容瓚遣使貢獻加使持節散騎常侍都督西秦河沙三州諸軍事進爵隴西王弟慕容延等皆爲將軍

按宋書文帝本紀元嘉九年六月壬午以吐谷渾慕容延爲東平將軍吐谷渾拾虔爲平北將軍吐渾

伐傳作爲鎮軍將軍乙未以征西將軍沙州刺史吐谷渾慕容瓚爲征西大將軍西秦河二州刺史隴西

王 按吐谷渾本傳先是晉末金城東允街縣胡人乞伏乾歸擁部衆據洮河罕罕自號隴西公乾歸死

子熾整立遣使詣晉朝歸順以爲使持節都督河西諸軍事平西將軍公如故高祖卽位進號安西大將

軍熾磐死子茂蔓立慕瓚前後屢遣軍擊茂蔓率部落東奔隴右慕瓚據有其地是歲赫連定於長安爲

索虜拓跋燾所攻擁秦戶口十餘萬西次罕罕欲向涼州慕瓚距擊大破之生擒定燾遣使求慕瓚以定

與之九年慕瓚遣司馬趙叙奉貢獻并言二萬人捷太祖加其使持節散騎常侍都督西秦河沙三州諸

軍事征西大將軍西秦河二州刺史領護光校尉進爵隴西王弟慕延爲平東將軍慕瓚兄樹洛干子拾

寅爲平北將軍阿豺子傳作煒魏書代鎮軍將軍詔慕瓚南國將士昔沒在佛佛者並悉致慕瓚遣送朱斯之

等五十五戶一百五十四人慕瓚死弟慕延立遣使奉表

按魏書吐谷渾傳世祖時慕瓚始遣其侍郎謝大寧奉表歸國尋討禽赫連定送之京師世祖嘉之遣使

者策拜慕瓚爲大將軍西秦王 元嘉十五年正月以平東將軍慕容延爲鎮西將軍

秦河二州刺史

按宋書文帝本紀云云 按吐谷渾傳元嘉十五年除慕容延持節散騎常侍都督西秦河沙三州諸軍

事鎮西大將軍領護光校尉西秦河二州刺史隴西王

元嘉十六年隴西吐谷渾慕容延改封河南王 按宋書文帝本紀云云 按吐谷渾傳元嘉十六年

改封河南王其年以拾虔弟拾寅爲平西將軍慕延庶長子繁曜爲撫軍將軍慕延嫡子瑒爲左將軍河

南王世子 按魏書吐谷渾傳太延二年慕瓚死弟慕利延立詔

遣使者策諭慕瓚曰惠王後拜慕利延鎮西大將軍儀同三司改封西平王以慕瓚子元緒爲撫軍將軍

時慕利延又通劉義隆義隆封爲河南王 元嘉十九年追贈阿豺隴西王慕延敗於魏西奔白

蘭攻于闐破之 按宋書文帝本紀不載 按吐谷渾傳元嘉十九年

追贈阿豺本號安西秦沙三州諸軍事沙州刺史領護光校尉隴西王索虜拓跋燾遣軍擊慕延大破之

慕延率部落西奔白蘭攻破于闐國 按魏書吐谷渾傳世祖征涼州慕利延懼遂率其部

人西遁沙漠世祖以慕利延兄有禽赫連定之功遣使宣諭之乃還後慕利延遣使表謝書奏乃下詔褒

獎之慕利延兄子緯代懼慕利延害已與使者謀欲歸國慕利延覺而殺之緯代弟叱力延等八人逃歸

京師請兵討慕利延世祖拜叱力延歸義王詔晉王伏羅率諸將討之軍至大母橋慕利延兄子拾寅走